

Bineix Youh Guh Haeuxnaengj Haj Saek

□ Vangz Haijyen / 黄海燕

Haeuxnaengj haj saek, ndaejnyi gij mingzcoh couh rox ndawde miz haeux haj saek, saekndaem、saekhoengz、saekhenj、saekgyaemq、saekhau 5 cungj saek.

Haeuxnaengj haj saek dwg au doenghgo nyumx baenz. Saekndaem dwg au mbaw goraeu daeuj guh, saekhenj dwg au vama daeuj guh, saekhoengz caeuq saekgyaemq cungj dwg au go-gyaemq daeuj guh, gij mbaw go’ gyaemq oiq cawj raemx le couh dwk haeuxcid baenz saekhoengz, gij mbaw go’ gyaemq laux cawj raemx le couh dwk haeuxcid baenz saekgyaemq. Saekhau couh mbouj au maz doenghgo daeuj nyumx saek lo, aenvih gij saek haeuxcid couhdwg saekhau.

Haeuxnaengj haj saek dwg gij gwn cietheiq



ciuhgeq vunz Bouxcuengh daihdaih cienz roengz-daeuj, binaengz liggaueuq sam nyied cosam roxaeuz cingmingz, cungj au guh haeuxnaengj haj saek. Vunz Bouxcuengh gig gyaez haeuxnaengj haj saek, guh le maqmuengh bonjfaenh yienghyienh habhoz, haeux fag mak baenz.

Haeuxnaengj haj saek hoengz gyaemq dox-gyau, henj hau doxcab, ronghsien ndeyawj, feihdauh hom youh van, gwn hwnjdaeuj hawj vunz nanzlumz, gwn le youh naemj caiq gwn, cungj gwn mbouj nywnx.

Bineix sam nyied sam youh guh haeuxnaengj haj saek, gou doq guh doq ngeix, guh baenz le au dawz bae caeq cojcoeng, maqmuengh caezgya ndangdaj ndeiraeuh, vuenyungz gvaq ngoenz.

Saehndei Gangj Mbouj Caez

□ Yiz Ciz / 余 执

Sai: Gou dwg vunz lajmbanj, Ranz youq gwndaenj ca, Haeujok deng bin bya, Baengh song ga guh rengz. Mbwk: Gou bouxrungb bya sang, Ngangx(ngiengx) gyauej mauh hix doek, Ndaem haeux fouz namh moek, Dwk loek fouz raemx lae. Sai: Rap fwnz bae haw gai, Haeuxngaiz youq gwnz mbaq, Miz bouxhek haeuj ma, Fouz haj(lauz) cawj byaekndoeng. Mbwk: It bi daengz seizdoeng,	Rap doengj bae au raemx, Byaij yamq sang yamq daemq, Mbouj laemx suenq mingh ndei. Sai: Gaijfang geijcib bei(bi), Raeuz raen ndei liux nauq, Bya sang bienqbaenz bauj, Rungh laux bienqbaenz ngaenz. Mbwk: Ndaw rungh mbouj caiq ca, Byabya caux goengloh, Roen doeng daengz lajroq, Byaij loh ndaej laep da. Sai: Gizlawz miz ranz gaeuq, Guh ranzlaeuz gaijcau, Hawj ngaenz daeuj lingh caux, Laux nyaeq youq onjdingh.	Mbwk: Ndaem haeux mbouj gyau suiq, Guh ndwi youh bouj ngaenz, Ciuq menciz bae faen, Ngaenz bae daengz gak hoh. Sai: Guh hozcoz yihliuz, Diuz neix caen dwg ndei, Yw bingh ndaej mienxfei, q, Raeuz mbouj hei q gijmaz. Mbwk: Roekcib bi bouxgeq, Deq au ngaenz ciengx mingh, Ndwen ndaej it bak lingz, Bak bi lingh gya lai. Sai: Ndaw rungh doeng vangjloz,	Ganggoj fuengbienh lai, Bouxmbwk caeuq bouxsai, Daihgya fwen doxcoh. Mbwk: Youq vangjloz seizdaih, Gaicawx mbouj okdou, Yaek gai yienqz gai mou, Hai soujgih couh baenz. Sai: Saehndei miz lailai, Saedcaih gangj mbouj liux, Song raeuz fwen eueuj, Baenz beuj(buen) daengq maranz. Mbwk: Saehndei miz lailai, Saedcaih gangj mbouj caez, Daj ngoenzneix doxbae, Ndaejhongq caiq daeuj lwnh.
--	--	--	--

Ah Veij vuengmuengz cangguh Cangh Feih bae ra fagnangx, de fan gij rum, youq laj faexcax ra, “hoenx-ciengq” baihneix gaenq camhseiz daengx roengzdaeuj lo. Lij Bu caeuq Liuz Bei、Gvanh Yij cungj diemheiq gwdgwd, caj Cangh Feih ra ndaej fagnangx le caiq hoenx, yawj daengz doeklaeng sam bouxak hoenx Lij Bu dauqdae dwg byawz saw byawz hingz. Gou couh gwih youq gwnz saeceijrin, saeceijrin deng ndit dak, caekhaex gou deng nad ndaej ndatfwdfwd, neix dwg saeh iq, guh ginhswb vix gyoengq bing baenzlawz hoenx engq youqgaenj. Ah Veij numqnwnwt lij caengz ra ndaej fagnangx, gij huj gou gaenq daj caekhaex bongh hwnj gyauej lo.

“Cangh Feih! Vaiqdi ha!”

“A, duzngwz! Duzngwz hung!!”

Ah Veij fwt swenj sing ndeu, cienq ndang couh buet coh baihneix daeuj.

·Sawcuenhrael Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

Daihhaj Bungz Duzngwz

“Dahraix?” Ah Cang baez ndaej-nyi miz duzngwz, couh nyengh lo.

“Gaej haep vunz! Gou Lij Bu dwg lajmbwn daih’ it, lij lau duzngwz?” Ah Gunh hemq.

Gou rox Ah Veij mbouj nyienh dang Cangh Feih, ginhswb deng gou guh lo, de mbouj fug, youh mbouj ndei caeuq gou doxceng, couh siengj ok aen fap neix daeuj, mbouj siengj caemz aen youzheiq “sam boux’ ak hoenx Lij Bu” neix, ndigah gou cungj mbouj yawj de da he, laebdaeb vifung sadsad

hemq:

“Cangh Feih mwngz mbouj dingq mingling, gangj byangz lox caezgya, gou yaek faenz aen gyauej mwngz bae!”

“Vaiqdi buet, caen miz duzngwz hung he!” Ah Veij vuengmuengz daj ndaw byozfaex buet dauq, Ah Giuh caeuq Ah Cang vut gij “vujgi” ndaw fwngz, gaen Ah Veij coh gwnz mohgungj bin bae. Gou cingq ngeizvaeq seiz, Ah Gunh gaenq vad “faglem” ndaw fwngz, buet coh Ah Veij, daiq miz gij vifung haxbaenh hoenx hingz songde, daih hat sing

ndeu:

“Iu’ gvaiq daj gyawz daeuj, gingqyienz gamj ra gou Lij Bu……”

Sawqmwh, gij sing hat de daengx roengzdaeuj lo, gij vah caeuq gij yiengh daj gwnz daizheiq hag ndaej haenx baez yaep da couh mbouj raen lo, doq cienq ndang, rag gyauej “faglem”, gvanghbeuz dauqma.

“Duz ngwz hung he, gouqmingh!”

Gij dungcoz diuqgah caeuq gij swenj dungxliengz Lij Bu hawj gou doeksat yat, mbouj rox mbouj nyinh gag gaenjieng hwnjdaeuj. Baez cienq ndang yawj coh baihlaeng, fwt miz duzngwz hung monghau doxgap, caemhcai q miz gen gou baenzneix hung, gyaep youq baihlaeng Ah Veij, byozrum gwnz namh deng diuz rieng de baij ndaej bibi buengqbuengq, dwglau dangqmaz!

“Vaiqdi! Vaiqdi! Ah Gunh!”

(caengz sat)